




Biblioteka Jagiellońska



stdr0000123



594762-

-594779 II

Mag. St. Dr.

# Silesiaca.

In hoc Tomo continentur:

1. Martini Hancii de Silesiorum Rebus Exercitationes.
2. ————— de Silesior. Nominibus.
3. ————— de Siles. Majoribus.
4. ————— de Silesiis indigenis eruditis.
5. ————— de Sil. alienigenis eruditis.
6. Job. Henr. Cunradi Silesia Togata.
7. M. Ebnl. Stieffs Ep: de Urnis Silesiensiibus.
8. Df: Schurh Keiseli: de Lemnibus Historiis ad Silesiam  
pertinentibus.
9. Df: Gudi: de Originibus Silesiis.
10. Df. Wernsdorfii: de Fanaticis Silesiorum.
11. Df. Löscheri: de Schwengfeldismo in pietismo derivivo.
12. Ruzii Miscellan. Literaria de inditis Silesior. Scriptoribus  
Spec. I. et II.
13. Gottlob Kranhii Memorabilia Bibliotheca Nat. Elisabethana
14. Coleri Oratio de Bibliotheca Maris-Magdalana.
15. Df. Jacobi: de Terra medicata Silesia.
16. Df. Eyseli: de Uromantia in Siles. necessaria.
17. Df. M. Sommeri: de Onoplagia Silesiorum.

Ad hoc Argument: Rer: Silesiac: pertinent:

1. Diss. Jos. Sam. Strzyckii: de Jure singulari Vratislaviensium  
in processu. quam vid. in Vol. 1. Dissp. near. Dissp. XVIII.
2. Diss. Sam. Strzyckii: De Jure Silesior. Saxonico. Vol. II. Dissp. Sup. 1.
3. — Sam. Strzyckii: De Feudis Ducatum Siles. Svidnicensis et  
Jaunovicensis. Vol. II. Dissp. II.
4. Diss. Feltyii: De Consulat: Bolivior II. Ducis Siles. de Successione  
ab intestato. Vol. II. Dissp. III.
5. Panegyris Kölbings à Pitschmanno Gymn. Zittav. conscripta de Familia  
Comitum à Rheder. in Fasciculo meo Programatur.

Ex D. Patris mei Bibliotheca hac faciunt:

Ursprüngliche Statuten.	Ursprüngl. Chronica geschriebten.	Urs.
urbarer Landordnung.	Appellations-Instruction.	
Liquide Privilegia.	Ursprüngl. Consulat. d. Fürstl. Land.	Historia
Chronicon Bohemiae.	Daniel. Uexküll's Synonyma Silesiacum.	
Galdastri Comentar. in Priv. Regni Bohemiae.	Neugebauer's Histor. Polon.	
Schickfusii de feudale Silesiac.		

CHRISTIANI RUNGII,

GYMN. MAGD. VRAT. COLL.

MISCELLANEA  
LITERARIA,

DE

Quibusdam ineditis Historiæ  
Silesiacæ Scriptoribus ac  
Operibus.

---

OLSNÆ,

Typis Johannis Theophili Straubelii,

ANNO 1712.

CHRISTIANUS  
DUM FUGIT

MISCELLANEA  
LITTERARIA

Caritativam incedit Historiam  
Silesiacae scriptoribus ac  
Opibus

TRACTATUS



594772 II

V I R O

Nobilissimo Excellentissimoque

**G O T T L O B  
K R A N Z I O .**

Rei apud Vratislavienses

Scholasticæ

**INSPECTORI GRAVISSIMO,**

Gymnafii Elisabetani

**RECTORI ac PROFESSORI**

**Celeberrimo,**

nec non  
BIBLIOTHECÆ  
REHDIGERIANÆ

*P R Æ F E C T O*

Longe Dignissimo

PATRONO, PRÆCEPTORI, COMPATRI,

*Summa observantia venerando*

S. P. D.

*CHRISTIANUS RUNGINS.*





\*\*\*

\*\*\*

\*\*\*

**N**on aliunde Pagellis hisce in-  
elegantibus mutuandum e-  
rat Decus, circumspiciendumq; Præ-  
sidium, quam ab ipso Nominis **TUI**  
splendore atqve Patrocinio. Con-  
fugiunt ad **TE**, **VIR EXCEL-**  
**LENTISSIME**, Studia mea, a quo  
derivata quondam sunt: eodemq;  
relabi gestiunt, unde profluxerunt.  
**A TE** enim mei, si quicquam in  
me

me est, Ingenii vires non excita-  
tas modo, sed firmatas etiam, atq;  
subsidiis optimis probe munitas fu-  
isse, cum Discentium ad pedes Tu-  
os pressi subsellia, gratisimus  
agnosco, ac æternis prædico Lau-  
dibus. Accedit, quod, cum tam  
felici mihi esse contigerit, ut Te  
INSPECTORE ac DIRECTORE Rei  
apud nos Scholasticæ, munus illud  
scholicum sustineam; a veteri illo  
Affectu atq; Favore, quoties Tua  
Ope, Consiliisque Tuis uti necesse  
fuit, nihil unquam Te remisisse, sed  
cumulasse potius eundem, argumen-  
tis expertus sim quam plurimis. Qua-


propter **T**estimonio quodam, velut  
Hostimento debitus ille in **T**e Pieta-  
tis Cultus declarandus fuit, quo testa-  
tior esset animi devincti memoria. Ac-  
cipe ergo, **VIR EXCELLENTISSI-**  
**ME**, foetum hunc informem impoli-  
tumq; ea, qua me haectenus complexus,  
huncq; ipsum typos nondum exper-  
tum, lustrare dignatus es, Benevolen-  
tia, atque patere, ut **T**uo in Patroci-  
nio tutus securusque lateat. **Vale.**

Dabam Vratislaviae, Die XVI. Octobris, Memoriae Galli Abbatris,  
scholarumqve Patroni, sacro, Anni M. DCC. XII.



Recensentur:

- I. In Præfatione Rhonii Vita & scripta.
- II. Rudolphi Statuta Capituli Vratislaviensis.
- III. Polii Annales Vratislavienses.
- IV. Buckisii Acta Ecclesiastica.



OTHECA  
MAGELL  
CRACOVENSIS



I.  
PRÆFATIO,

Godofredi Rhonii Vitam &  
Scripta recensens.

**R**HONII Conatus literarios continuaturus, antequam id aggrediar, de Rhonio ipso, ejusque Scriptis nonnihil præfari apud animum constitui. Hunc, si Nominis Celebritas non tantum facultate ingenii, sed nascendi etiam felicitate mætienda sit, & Genere & Scriptis merito suo Nobilem dixerim. Natus enim Anno 1663. Vratislaviæ, Augusta Silesiorum Metropoli, e RHONIORUM familia Patricia, Avum natus est STANISLAUM RHONIUM, Senatorem Urbis, ærarii que præfatum senatorii supremum, qui etiam Germanum suum GEORGIUM eadem dignitate senatoria se præcedentem viderat. Pater GODOFREDUS, inter cives e mercatoribus primarios nomen adeptus, bonæ existimationis tuendæ, uti erat studiosissimus, ita cum Arthritide diuturna colluctatus, obeundis negotiis magis ma  
A gisque

gisque se sentiebat inhabilem: tandem vero mercimoniis ponderandis a senatu Magnifico præfectus, Zygotaten, quem Libripendem Latini dicunt, extremis vitæ annis egit, denatus Anno 1686. ætatis 63. Mater vero EVA MARIA SIEBENHARIA, marito suo superstes vidua, inter Vratislavienses matronas senectutem vivit honorabilem.

Noster, patri cognominis, quo ijs artibus erudiretur, quibus ætas puerilis ad pietatem humanitatemque informari solet, Elisabetani Gymnasii Præceptoribus traditur, positisque literarum fundamentis, & studiis gravioribus aptus, Anno 1685. Jenam proficiscitur, Prudentiæ juris animum ibidem applicaturus. Annum hic vix commoratus, patre orbat, vicem interea parentis gerente avunculo, MARTINO SIEBENHARIO Jcto & Civitatis Olsnensis Consule. Elapso quinquennio rediens, matri solatio futurus, Patriæ se totum mancipabat. Inprimis autem quod a studiis negotiisque fori relictum erat tempus Historiæ patriæ accuratius evolvendæ impendit. Hinc, ne adum ageret, neve diceret, quod non dictum sit prius, non proletaria selegit argumenta, aut in trivio, quod dicitur, nata; sed quæ grata utilitate omnibus se commendarent, neque minus essent elegantia, quam erudita. Atque in his non vulgaria præstitisset, nisi mors repentina studiis jussisset valedicere. Excessit enim ex hac vita Anno 1694. die 2. Septembris, nondum annos duos & triginta natus.

Scripta quod attinet, primum Anno 1693. typis exprimi curabat *Exercitationem Historicam de Johanneis Vratislaviensibus*, seu Nummis illis Vratislaviensium antiquis, qui ob impressam figuram S. Johannis Baptistæ, vel Capitis ejusdem, Johannei dici meruerunt. In qua rem totam quatuor capitibus absolvit, quorum primo agitur de Johanneis Civicis, a Civitate Vratislaviensi cufis; secundo de Johanneis Episcopalibus, jussu Episcoporum expressis; tertio de Johanneorum valore; & quarto de Usu eorundem, apud Coriarios præcipue  
Vra.

Vratislavienses in receptione novorum tribulium. Recensuit eam Tenzenlius in Colloq. menstr. An. 1693. pag. 368. sed hallucinantem Rhonius Scriptis literis meliora edocuit, ut videre est in iisdem Colloquiis pag. 986.

Si autem dicendum, quod res est, Tenzelium non sua culpa errasse, omnibus locum illum inspecturis patebit. Verba enim paulo sunt obscuriora, ita ut lapsus sit facilis, præsertim Historiæ Silesiæ ignaris. Factum inde, ut Maxime Reverendus DEWER DECKIUS, elegantissimi operis Autor doctissimus, dubiis hisce Rhonii verbis suam addiderit conjecturam, & veram, quæque eodem, quo Rhonii collineat sententia. vid. Silesia Numismat. pag. 728. Totus enim rei cardo vertitur in particula *IBI*, in verbis: *Lilia ibi Posita*: quæ particula non lilia in nummo sub capite Johannis, sed lilia in sigillo Civitatis Nissensis posita respicit, ita ut sensus sit: Lilia in sigillo Civitatis Nissensis denotare oblationem Terræ Nissensis a Jaroslao Episcopatu factam.

Quod autem tria Lilia in scutulo nummi attinet, ea Episcopatus insignia præ se ferre, quod Rhonius contendit, mihi persuadere vix possum, cum tria lilia nunquam Episcopatum designent, sed sex, uti Rhonius ipse exemplis satis superque demonstravit. Ea potius esse reor Nissensis Civitatis insignia, quæ nummum ibi cusum ostendant: namque & illic Episcopi semper habuerunt officinas suas monetales. Nissam autem, eo quod urbs primaria sit Episcopatus, etiam Episcopatus insignia, sed dimidiata tantum, accepisse, rectissime conjicit laudatus DEWERDECKIUS. Atque ita particula illa, etiam extendi posset ad Lilia nummi, gerentis insignia Nissensis Urbis, iisdemque donationem Jaroslai probantis: sed alii hæc dijudicent. Jam ex diverticulo in viam.

Exercitationem hanc de Johanneis excipiebant eodem anno *Epistole dua Historice*, & anno sequenti *tertia, de quibusdam inceditis Historie Silesiaca Scriptoribus*, in quibus Scriptores illos, seu Opera potius eorundem, quæ vel plane intercidissent, vel intra Bibliothecarum septa latitassent, excusso pulvere, situque deterfo, in apricum protulit. Supervacaneum foret Manuscripta illa singula hic repetere, quæ Tenzelius in Colloq. Manstr. Anno 1694. pag. 39. & 970. excerpta dedit, itemque Præfatio Silesiographiæ Renovatæ. Pauca tantum ex iis delibare placet.

In prima Epistola JOHANNIS LONGINI *Chronicon de Episcopis Vratislaviensibus*, rarissimis Historiæ Silesiacæ Codicibus accenset Autor, atque quatuor tantum ejus Exemplaria intra Silesiam inveniri dicit, Nissæ, Leubæ, in quodam Archivo, & in Bibliotheca privata. At pluries vel hic Vratislaviæ inveniri, adeoque jam numerum longe auctiorem esse, non negandum, cum vel sola Rehdigeriana Bibliotheca bis librum ostendet, in quorum altero, singulis Episcoporum vitis insignia cujusvis, coloribus suis depicta præfiguntur, cum in modum, quo in Fama posthuma Episcoporum Vratislaviensium, typis expressa, cernuntur. Est autem LONGINUS celeberrimus ille Historiæ Polonicæ Scriptor, qui civibus suis patria lingua DLUGOSSUS audit, cujus Historiæ jam editionem novam, numeris omnibus absolutam habemus, sed cui hæc Episcoporum Historia merito fuisset adjungenda. Notandum vero DLUGOSSUM in Rudolpho finiisse laborem, reliqua ad Johannem VI. ab alia manu accessisse.

NICOLAI HENELII *Silesiam (vel Silesiographiam) Renovatam* cancellos tandem rupisse, & Manuscriptorum e numero abiisse, tabernæ loquuntur librariæ, postquam Reverendissimi Crucigerorum Vratislaviæ Magistri, MICHAELIS JOSEPHI FIBIGERI Scholiis uberri.



uberrimis stipata, Anno 1704. in lucem exiit. Utinam vero & *Breslographia Renovata* tam auspiciatus contigisset natalis, quam ab Eiusdem Illustrissimi Magistri curis haecenus exspectavimus: sed datam toties in opere praecedenti, hujus quoque edendi fidem, quo minus liberaret, mors obstitit, quæ molientem hæc, Die 12. Januarii, Anni hujus 1712. intra ætatis 55. annum, rebus humanis exemit, cujus Elogium vide in Nova Bibliotheca Lipsiensi (*Bücher-Saal*) Part. XV. pg. 199. Nondum tamen spem omnem operis ejus aliquando videndi decollasse audio, postquam eadem Biblioth. Lipsi. P. XVII. p. 375. fidem fecit, Virum eruditum, qui Opera FIBIGERI posthuma luci publicæ expositurus sit, jam in eo esse, ut partem eorum prelo subjiciat. An vero in his etiam apparitura sit HENELII *Silesia Togata*, Cedro dignum opus, dies docebit: ex qua Elogia quam plurima *Silesiographiæ Renovatæ* passim inspersa sunt, unde pragustum aliquem capere, deque toto opere judicium ferre liceat. Obiter hic monendum, incidisse me in aliam quoque *Breslographiam Henelii*, multo quidem ampliorem edita, Renovatam tamen rerum amplitudine nondum æquantem.

HENRICI WENCESLAI a NEUDORFF *Diarium Silesiticum* suo jam tempore sub prelo sudasse, Rhonius asseruit: cui tamen assertioni non respondit eventus, cum nihil de eo unquam innotuerit. Nec facile sperandum est, quenquam tale quid ausurum, nisi qui in multorum odium incurrere, aut etiam capitis periculum subire velit. Multa geruntur, quæ silere, quam divulgare præstat. Annexuerat etiam Catalogum senatorum Vratislaviensium ab ætate Henrici VI. ultimi ex Ducibus Piastæis Vratislaviensium Domini, ab initio nimirum seculi XVI. ad sua tempora. Circumferri alias annis aliquot antiquiorem senatorum seriem, quæ circa annum seculi XIII. septuagesimum vel octogesimum incipit, qualis & in Chronico Frid. Lucæ, sed mendose satis exscripta legitur, non igno-

ignotum est. Illustrem hunc ordinem, a postremis duobus seculis, in Tabulas Chronologicas, privatis usibus inservituras ipse redigere tentavi, eo fere modo, quo Martini HANKII Tabulæ Propagatorum Eruditionis Vratislaviensium concinnatæ sunt: ita ut paucis foliis, uno quasi intuitu, qui singulis annis, ab Anno 1500. ad hæc tempora, sederint ad Clavum nostræ Reipublicæ, conspiciantur: retrocedere autem ulterius, aut ascendere altius, Chronologiæ partim confusio, partim defectus prohibet.

Epistola secunda M. FRIDERICI HOLSTENII *Annales Bolelavienses*, per capita præcipua recensentur, a quibus tamen diversum se Exemplar possidere indicat Plur. Rever. M. GODOFR. BALTH. SCHARFRIUS, V. D. M. apud Schwidnicenses, in scripto: *Neue Andacht betender Kinder in Schlesien* pag. 5. Cujus ut notitiam uberiolem ab Eodem aliquando expectamus in vita HOLSTENII illius, quam cum aliorum Theologorum vitis, in Historia Concionatorum Silesiacorum publicandam, eo in scripto pollicitus est: ita viro doctissimo vires ac tempus precamur, ut fortum exoptatum, una cum aliis, quos meditatur, conatibus ingenii egregiis, quantocyus atque feliciter tandem edere possit.

In tertia Epistola sermo fuit de FRANCISCI FABRI *Silesia*. Est autem hæc elegantissimum illud Carmen *Sabothi* nomine insigne in quo Autor fata & vicissitudines Silesiæ grandi Cothurno persequitur, sumpta inventione a Sabotho monte, in cujus antro Silesia cum Fluminibus convenerit, communemque deploraverit calamitatem. Martinus HANRIUS, de Sabothi montis nominibus loquens, hujus quoque carminis mentionem facit his verbis: „Sabothus nominatur, præter alios, Francisco Fabro, Vratislaviensis Civitatis Secretario: cujus laudatissimum Poema, quo res Silesiæ primarias protulit, ex Manuscriptis antiqvissimis, tum aliis, tum Ger.

„ Germanicis, quibus præfuit, per IX. annos elaboratum, post  
 „ Autoris, Anno 1565. defuncti mortem, apud Basileenses Anno  
 „ 1592. editum, Sabothus inscribitur. De Silesior. Nominib.  
 „ Cap. 5. p. 22. „ Prodiert vero eo loco & anno in Itinerarii  
 Reusneriani editione altera; sed visu tam difficile, ut etiam toties  
 quæsitum, nec tamen inventum, crederetur ineditum. Non  
 Obscure id innuit Præfatio Silesiograph. Renov. (in qua autem  
 Sabothus hic diversum a Silesia Carmen habetur, cum unum sit  
 idemque scriptum) quæ ita habet: *Paucissimi norunt, & vix unus  
 hercle aut alter in universa Silesia vidit, ut adeo multi de ipsa impressionis  
 veritate adhuc dubitent.* Postquam vero ab Amico eodemque tum  
 temporis Commilitone, ejus describendi mihi facta erat copia, id  
 deinde repetita vice descriptum Reverendiss. FIBIGERUS nactus  
 est, quod scholiis suis hinc inde intersperfit. Sicque Poema  
 illud bis editum, ineditis adhuc annumerandum est; cum in editione  
 hac posteriore non integrum, nec serie continua, sed divulso  
 ordine & per partes insertum legatur: prior autem MSto ipso sit  
 rarior. Hinc optandum quidem foret, ex præfatione memora-  
 ta, ut denuo in lucem prodiret, cui etiam rei meum exemplum,  
 cum impresso codice collatum, variisque locis emendatum conse-  
 crandum foret; ast cum Poësis latina hoc ævo tantum non ubique  
 in exilium ejiciatur, nec nisi sub tectis scholarum hospitari soleat,  
 ejus nova editio, lucelli parum factura, bibliopolis vix persuade-  
 bitur.

Eandem Epistolam claudunt FABRI *Origines Vratislavienses*. Sunt  
 illæ Synopsis quædam omnium Urbis nostræ Privilegiorum, in-  
 strumentorumque publicorum a Ducibus, Regibus, Imperatoribus-  
 que datorum, juxta annorum seriem, jussu Senatus, ut ipsa docet  
 præfatio, congesta, cui Autor ex Historia Silesiaca quædam præ-  
 misit atque immiscuit. Unde vero vel Henelius, vel ex eo  
 Rhonius

Rhonijs Originum nomen sumserit; dicere nequeo, in Curia enim vocatur Fabri liber Magnus, uti colligere licet circa finem Operis ex verbis: *Bis hieher gehet Fabri liber Magnus auf dem Rathhause.* Opus est eximium, atque præter Rehdigerianam, Magdalenam, Neapolitanamque, Bibliothecas Vratislaviæ publicas, in multis etiam privatis passim obvium. Epigramma Autoris apud Rhonium Compendium Operis sistit. Atque hæc sunt, quæ ex Triga illa Epistolarum notanda censui, de reliquis alibi dicendi locus erit.

Præterea Noster etiam *Epistolam Historicam, de promovendo circa Historiam Episcopalem Rei nummarie studio*, Historiæ patriæ Amatoribus inscripserat, a quibus opem subsidiaque expetebat. Utrum vero voti compos factus, opus ipsum aggressus sit, me latet. Inter Schedas defuncti repertum est fragmentum affecti opusculi, *de Prærogativa Canoniorum Vratislaviensium.* Quod argumentum inter cætera demonstratum ivit ex Crucibus Canoniorum de catenula aurea in pectore geri solitis: cujus rei mentionem jam fecerat in Exercitatione de Johanneis Cap. 11. „Hæc scribens, inquit, „certior redditus sum, Canonicis Vratislaviensibus Templi Cathedralis Conventione antiquissima fuisse cautum, ut aureas Cruces „cum Capite Johanneo ex aurea catenula in pectore gererent. „Quem ritum aliquot annis intermissum in Dominica, Lætare „dicta, postliminio ad usum revocarunt, dum Cruces ab Illustrissimo Decano Venerabilis Capituli, Ferdinando Leopoldo, Duce „Holsatiæ, publicis solennibus consecratas, accepto simul osculo „pacis, coram altari ab eodem gerendas acceperunt: quo eorum „insignis Prærogativa præ cæteris Canonicis, nataliumque splendor luculenter indicatur. „Sacris quoque meditationibus intentus, Odas haud paucas metro vernaculo non infeliciter expressit; quæ M. Stravidi. Et hæc molitus erat Rhonius, qui, si fata siverent, plura scripturus multaque Emendaturus, si superesset, erat. Hujus

Hujus itaque laborem, eruendi MSta, Res Silesiorum illustrantia, neque adhuc edita, meum Facere decrevi. Cum enim viderem, non exiguam superesse Codicum talium copiam, nec ab Excessu Rhonii fuisse, qui e tenebris eos protraxerit, nisi quod strictim quandoque descripti, aut allegati tantum quidam fuerint; operæ me facturum pretium duxi, si cæptam ab eo telam, mente eadem, si non eodem filo pertexerem, atque oblitteratam pene Civis meritissimi memoriam quodammodo suscitarem. Impares me quidem labori huic continuando afferre lacertos, nec iisdem, quibus ille, adminiculis subnixos, haud diffiteor. At vero cum eandem, quam is expertus est, mihi quoque spondeam Humanitatem atque benevolentiam, fore, ut qui locupletiores manu exaratorum codicum, qui ad Silesiorum faciunt Historiam, supellectilem intra forulos suos premant, haud gravatim sua mecum communicent; id operæ in me suscipere, & qualicumque hoc specimine ejus rei periculum facere non dubitavi.

*Hist. Jag.*

Sed meditantem huc interpellat Bibliotheca Lipsiensis Part. XV. p. 223. referens, Christianum Ezechielem, Illustris Scholæ Berolstadiensis Rectorem bene meritum, Rerumque Silesiacarum scrutatorem indefessum, prelo paratos habere Scriptores Rerum Silesiacarum e MStis erutos, quorum fontibus Curæus, Schickfusius, aliique hortulos suos irrigaverint. Ferias hic mihi factas, calamumque esse abjiciendum intelligebam, cum idem argumentum à Viro, harum literarum peritissimo, atque MStis lectissimis cumulate instructo, tractari legerem. Verum enim vero non satis constabat, Utrum Scriptores illi, eorumdemque scripta, recenseantur tantum, quod quidem hic facere constitui: an integra opera congerantur, adeoque Scriptorum Silesiacorum Corpus quoddam expectandum sit. Itaque pau-

cas hæc Schedas in publicum exire passus sum, opus interea promissum, nec non Prodromum Silesiæ literatæ, & Tabulam Ducatus Olsnensis Geographicam (quam diversam existimo ab ea, quæ nuper prodiit) cum voto, ut propediem juris fiant publici, præstolaturus.

MISCELLANEA opellam hanc literariam nomine, propterea quod nullo præscripto ordine, MSta argumenti varii, sacri, profani &c. solam tamen Historiam vel Rem Silesiorum literariam Spectantia, percensenda erunt, nonnunquam etiam alia quædam admiscenda, ab instituto tamen non aliena. Cum vero non parum momenti ponendum sit in vitis Autorum, hic, ut saltem generalior tractandi modus appareat, primum omnium solliciti erimus de Autore, cujus vita, quoad ejus notitia haberi poterit, nisi sit Anonymus, breviter erit exponenda; brevius, si ab alio descripta sit. Deinde recensendum MSti argumentum, per capita, si non omnia, tamen præcipua, adductis interdum eam in rem vel ex ipso opere, vel aliunde Testimoniis aut judiciis. Cætera tuo, Lector Candide, examini submissa sunt. Vale.



## II.

# Rudolphi Episcopi Vrat. Statuta Capituli Cathedralis Vra- tislaviensis.

**M**ultos Codex ille Autores habet ex Episcopis Vratislaviensibus, suntque Henricus, Preceslaus, Wenceslaus, Conradus, Petrus II. Rudolphus, cujus postremi hic præ cæteris rationem habebimus. Hunc Rudisheimam, ex Moguntino territorio oriundum, ingenii facultas felicior, & maxime juris studia ad Episcopale culmen evexerant; postquam ex decretorum Doctore, Romanæ & Rotæ & Cameræ Auditor, postea Pii II. & Pauli II. Pontificum Referendarius tandemque Episcopus in Italia Lavantinus factus erat. Hac dignitate conspicuus Anno 1465. ab Aula Romana ad Bohemiam Poloniamque Regna Legatus mittitur, Turbas Hussiticas sub Georgio Podibradio, Bohemorum Rege, exortas compositurus. Hoc dum agit, moritur jodocus, Vratislaviensis Episcopus, cui hic rejecto Premislao, oppaviensium duce, ad S. Crucis ædem Cantore, succedit Anno 1468. manente simul potestate Nuncii Apostolici: ipse vero vita fungitur Vratislaviæ Anno 1482. die 9. Januarii. Plura addereUPERSEDEMUS, cum vita ejus omnium optime descripta legatur in MARTINI HANKII Silesiis alienigenis eruditis Cap. 9. p. 353. ubi etiam Catalogus scriptorum ejus textitur,

in quibus tamen præsens Codex non occurrit: conferendus quoque scholiastes Henclianus Cap. 8. p. 119.

Ut autem constet ratio, cur Codicem hunc Rudolpho adscripserim, ex ipso Operis initio præmonendum censeo, moris fuisse semper in Ecclesia Vratislaviensium Cathredali, ut novi Episcopi, anteaquam ad gubernationem Ecclesiæ admitterentur, Jure jurando, datisque insuper literis, omnia Statuta, quæ vocant, Capituli confirmarent. Cumque ab excessu Petri II. Episcopi, Canonici ea manca atque imperfecta viderent, addiderunt alia Statuta, atque a Curia Romana Confirmationem expeterunt. Venit Hieronymus Landus, Archiepiscopus Cretensis à Pio. II. missus Vratislaviam, ut alienatos a Georgio Podibradio Vratislavienses, eidem reconciliaret: quo vero Canonici posthabito, assensum ejus non requisiverunt. Missum autem a Paulo II. Rudolphum, idem, ut dixi, in Silesia, Vratislaviæ in primis adurum, adeunt Canonici, utque nova Capituli Statuta una cum veteribus assensu suo comprobaret, rogant. Is precibus Canonicorum assurgens, electus jam, nondum confirmatus Vratislaviensium Episcopus, Codicem hunc Statutorum, passim a se auctum, atque etiam immutatum, insuperque Autoritate Apostolica munitum Anno 1468. die 8. Februarii (electus autem erat die 20. Jannarii) edidit, successoribusque suis sanctissime observandum præscripsit. Adscribemus titulos, quibus usus est: „Rudolphus Dei gratia Episcopus Lavantiniensis sacro „sanctæ Apostolicæ sedis ad Bohemiæ Poloniæque Regna, ac certas Alemanniæ partes cum potestate Legati de Latere Legatus „missus, Venerabilibus & Circumspectis Dominis, Præposito, „Decano, & Capitulo Ecclesiæ majoris S. Johannis Baptistæ „Vrat, Salutem & omne bonum,



In quatuor partes Codex iste distingvitur, nempe Statuta, Consuetudines, Ordinationes & Conduſiones, quorum Capita, ſi enumerarentur omnia, paginas bene multas implerent. Ut quædam adducam, præmiſſis Juramentis Episcopi & Canonico- rum, multa legas de modo merendi & dandi Reſeſiones ſeu præſentias, quæ & diſtributiones audiunt, de quatuor Capitulis generalibus, de curiis ſeu domibus defunctorum, earumque Taxis, de Legationibus ſuſcipiendis, de anno gratiæ, de ſtudiis Canonico- rum & Stipendiis, de honore ſibi invicem & aliis præſtando, de Sigillo Episcopali majori, de Prærogativa Præla- torum & Canonico- rum, de eorum veſtitu, Teſtamenti, Executoribus, funeribus, ſepulcris, Epitaphiis, Vigiliis & Exe- quiis, de procuratoribus, Vicariis, Choralibus, aliisque multis: itemque Statutum ac diſpoſitio regendi Eccleſiam vacante ſede. In fine, quod minime prætermittendum, ſequuntur Onera Præ- laturarum, & officia Prælatorum, ubi prolixè agitur.

- De Oneribus Episcopi & ejus Officio.
- De Ordinatione Capituli in genere.
- De Ordine Prælaturarum & locatione Prælatorum.
- De Onere & Officio Præpoſituræ.
- De Onere & Officio Decanatus.
- De Officio Archi-Diaconi.
- De Officio Cantoris.
- De Officio Scholaſtici, atque Officiatorum Scholæ.
- De Officio Cuſtodis.
- De Onere & Officio Cancellariatus.

Notari hæc meretur, quod Schickſuſius Lib. 3. Cap. 8.  
 B 3 pag.

pag. 45. ex Curæo refert, Conradum Episcopum Vratislaviensem in Concilio Basileensi impetrasse Statutum aliquod, quo cautum sit, ne quis in Ecclesia Cathedrali ad sacra recipiatur munera, nisi sit indigena, aut gradibus academicis insignitus: additque, illud nondum in vulgus editum, vel in Bibliotheca Vaticana, vel apud Canonicos Vratislavienses asservari. Quod Statutum vero huic ipsi Codici insertum legitur, in fine partis primæ seu Statutorum hoc titulo: *Bulla confirmatoria Statuti, de alienigenis, nisi qualificatis, non recipiendis, nec admittendis.* Data autem fuit hæc Bulla in Synodo Basileensi Anno 1435. Ibid. Decembr. ad Abbatem Monasterii B. Mariæ in Arena extra muros Vratislavienses, qua ipsi potestas injungitur, Statutum illud de alienigenis, re bene explorata, nomine & Autoritate Synodi literis datis approbandi confirmandique.

Multum sane Codex ille facit ad Statum Ecclesiæ Cathedralis Vratislaviensis, ejusque ritus, ceremonias, dignitates atque officia, si non omnia, pleraque tamen atque præcipua, antiquorum præsertim temporum cognoscenda. Quanta autem religione tractandus observandusque sit, ipsa Rudolphi verba, satis gravia, libro præfaminis loco præmissa, luculentius docebunt, quæ describemus integra, iisque MSti recensionem, jam nimis prolixam claudemus, ita vero sonant:

„RUDOLPHUS Dei gratia Episcopus Vratislaviensis.  
 „Juste ac digne decernimus celanda. Unde ejusdem venerabilis Capituli consensum attendentes districte prohibemus, ne  
 „quispiam, cujuscunque status, gradus, ordinis aut conditionis  
 „existens, hunc librum in domum suam, sive alium quemcun-  
 „que locum privatum deferat, aut circa & apud se habere te-  
 „neat, aut quæ in eo scripta sunt, in aliqua sui parte auferre,  
 de.

delere, abradere, cancellare, corrigere aut immutare audeat,  
 quovis modo. Si vero quis horum aliquod sine speciali  
 consensu, & permissione Capituli nostri facere, sive attentare  
 præsumserit, ultra reatum perjurii, excommunicationis senten-  
 tias, quas Dei nomine in his scriptis ferimus, incidat ipso facto,  
 & ejusdem tam diu irretitus & ligatus permaneat, donec li-  
 brum ad locum Capitularem restituat; & si quæ ablata, addita,  
 cancellata, abrasa sive immutata fuerint, juxta Capituli decreta,  
 debite emendet, atque a nobis, aut successoribus nostris,  
 Episcopis, sive in spiritualibus Vicario generali meruerit abso-  
 lutionis beneficium obtinere. Volumus autem, quod hic  
 liber in Capitulo aut Ecclesia, unicuique Capitulari, videre &  
 legere volendi, libere communicetur, ne quisquam ignorantiam  
 contentorum in eodem prætere valem. Proviso tamen quod mox,  
 postquam eo usi fuerint, aut alter eorum usus fuerit,  
 liber ad Archiva vel Armarium Capituli,  
 unde receptus sit, sine qualibet immutatione sive offensa  
 salvus reponatur.



III, Nico-

### III. Nicolai Polii Annales Vratislavienses.

**P**atrem hic habuit THOMAM, Olsnensem Diaconum Vratislaviz Magdalenzum Melanchthonis Discipulum, a quo, & Johanne Bugenhagio aliisque, Wittebergæ ordines sacros recepit, quique hic Vratislaviz in audienda Confessione mulieris peste infectæ, ipse malo hoc epidemico correptus; Anno 1568. ætatis 37. occubuit. Nicolaus Noster matre editus MARGARETHA APPELIA, in Magdalenzæ Schola primum rudimenta posuit, solidioribusque studiis Wittebergæ confirmatus, in patriam redux Collega Elisabetanus, & ad S. Salvatoris ædem suburbanam Ecclesiastes constituitur, tum Bernhardinianus Diaconus, unde inter Magdalenzos receptus Diaconos, tandem Diaconus evasit senior, quem & Archi-Diaconum vocant. Lucem his afferet Epitaphium in æde Magdalenzæ, quod subjungimus.

NICOLAUS POLIUS VRATISL. ÆDIS HUIUS ARCHI-DIACONUS & SENIOR, credidit propter quod locutus est,

Sanctum, Sanctum, Sanctum  
Dominum DEUM Zebaoth, cujus gloria plenitudo  
totius terræ.

Natus Anno Christi 1564. ad ministerium vocatus Anno 1596.  
Archidiaconatum an. 21. pure docendo, sancte vivendo,  
scriptis

scriptis publicis bene merendo functus, postquam cum Coniuge sua EVA KLOGIN xxxiix. annos vixisset, liberos utriusque sexus xv. genuisset, totidemque vidisset nepotes neptesque Anno 1632. die 16. Februarii vita & officio defunctus, Anno 1633. die 13. Octobris Conjugem ad beatum illum statum subsequam habuit, exactis huius vitæ annis lxxviii. nunc sine fidei fruitur vita æterna.

Joh. Henr. CUNRADUS in Silesia Togata pag. 217. hoc ei scripsit Elogium:

Dic, venerande Poli, Polus an tibi nominis autor?  
Esse Polo natum te, pietate probas.

Scripta quæ edidit, sunt 1.) Hemerologion Silesiacum Vratislaviense, Lipsiæ Anno 1612. in fol. excusum. 2.) Historia Incendiorum in Silesia, quibus præmittitur Ducatus Silesiæ, nec non Urbis Ducatusque Vratislaviensis Topographia, annexa in fine Oderæ, aliorumque Silesiæ fluviorum descriptione, Vratisl. 1629. in 4. 3.) Historia Nivalis, Bregæ 1624. 8. Præterea Historia Ventorum, Historia pluvialis, & Historia Caloris insoliti in MStis latere dicuntur. vid. Mart. Hankii Colleg. Silesiac. MStum. Omnium autem maxime elucent ejus Annales Vratislavienses inediti, magna collecti cura, propriaque Polii manu spisso volumine in folio, lingua vernacula, ut & reliqua ejus opera, conscripti: in quibus ab antiquissimis temporibus ad Annum 1625. juxta seriem annorum, universam Silesiæ, maxime vero Vratislaviensis Urbis Historiam exposuit. Et fateor, me Annales ejusmodi Silesiacos plurimos oculis usurpasse, manibusque trivisse, quorum alii alios vel antiquitate, vel rerum copia atque præstantia anteibant; nunquam tamen tantum rerum optimarum, atque etiam fide dignissimarum cumulum,

ac in his deprehendisse, ut ita omnes alios multis parasangis post se relinquant.

Videas hic promptuarium aliquod, ex quo Urbis nostræ Antiquitates, Resque notabiliores promi, illustrari, corroborari-que possint, ita ut fere ausim dicere: frustra alibi quæri, quod hic non invenias. Ut taceam singularia quam plurima, in hominum Literatorum vitis obvia. Merentur hic legi causæ & rationes, cur Henricus Dominicus Ducatus Vratislaviensis Præfectus sive Capitaneus capite sit plexus; Testamentum Nicolai Ducis Oppolienfis Nissæ decollati Anno 1496. Prolixa belli & cladis Bicinensis descriptio; Relatio de Beneficiis Vratislaviensium Erfurti & Coloniz literis navantium, aliaque multa. Ex hoc opere Autor Hemerologium suum concinnavit, quod tantum minima ejusdem pars est. Locum occupat inter Libros RAMPUSCHIANOS Bibliothecæ ad S. Bernhardini ædem Neapolitanæ, estque ibi MStorum Caput, & Bibliothecæ Cimelium nobilissimum. Versavit sedulo Annales hocce Joh. Henr. CUNRADUS Silesiæ Togatæ, quæ Anno 1706. prodiit, laudatissimus Autor, ubi in enumerandis diebus natalibus ac emortualibus Polius utramque facit paginam. Schickfusius quoque a Polio, haud dubie ex hoc opere, adjutum se fuisse, in præfatione gratus prædicat.



Godofr. Ferd. De Buckisch  
& Levvenfels  
Acta Ecclesiastica.

**S**Trela, Bregensis in Silesia Ducatus Oppidum, huic natale solum præbuit, cujus parentes Augustanæ Confessioni addicti, filium iisdem sacris initiandum, eademque doctrina imbuendum curarunt. Vratislaviæ literis innutritus, in Academiis nostratibus animum ad majores conatus præparaverat: quos cum inter suos exserendi occasionem non videret, impatiens moræ, posthabitis Evangelicorum sacris, Romanæ Ecclesiæ fidem amplexus est. Quo facto in Aulam Bregensem assumptus, ut Regio Ducatus Regimini adesset a Secretis, postea dignitate aucta, simul etiam Consiliarius Cæsareus salutabatur. Sed altius extulit fortuna, lapsu graviore ruiturum. Viennam enim adscitus, seu Historiographum Cæsareum, seu Professore Academicum (incerta hic habeo) egit, atque præter nobilitatem, multos alios honorum titulos consecutus, sacri Rom. Imp. Eques audiebat, Cæsareusque & diversorum imperii Statuum Consiliarius. Sed gradu tandem suo depulsus, Viennaque cum familia excedere jussus, exitu honoribus suis indigno vitam finit. Austria enim excedens, variis locis exulavit, donec Coloniz Agrippinæ moreretur, extremis vitæ annis summa cum egestate colluctatus.

Fama est, eum ante Pacem Ryswicensem hæsisse Ratisbonæ, consiliumque de reditu ad avita sacra agitasse, additis pollicitati-

onibus, non solum se retractaturum, quæ in Observationibus ad Instrumentum Pacis perperam scripsisset; verum etiam Historiam suam Silesiacam MStam, iis locis mutaturum, ubi studio partium nimium fuisset deditus. Fuisse etiam perhibent, quibus id negotii datum, ut Virum Coloniam cum suis fame percutentem clam allicerent, quod multos desiderium tenebat Historiam illius Silesiacam, quæ conscripta sit illis adjumentis, quæ non cuivis alias pateant, suppeditatis nempe commendatione eorum, qui in aula omnia potuerint, & quorum in gratia ipse flourerit. Sed destinata hæc mors intervertit. *Quem* hic restem publicum advocem, qui discis fidem faciat, Autorem Meditationum ad Instrumentum Pacis Casareo-Suecicum habeo: reliqua ex relatione fide digna hausta sunt. Esse autem Dn. de HENNIGES, Aulae Berolinensis Consiliarium, illarum Meditationum Autorem, nuper Bibliotheca Halensis Part. XXI, pag. 29. prodidit: cujus verba integra, notabilia sane, hic describere prolixitas vetat, leguntur ea in Præfatione illarum Meditationum Specimine 4. & brevius excerpta in Biblioth. Halensi P. II, pag. 93.

De eo quid Gloriosissimus Imperator LEOPOLDUS existimaverit, ex Diplomate, quo Nobilitatis insignia ac Jura Nostro Anno 1691. die 25. Aprilis collata sunt, patebit. *Wann Wir nun gnädiglich angesehen, wahrgenommen und betrachtet die Erbarkeit, sondere gute Tugenden, Vernunft, Geschicklichkeit, vortreffliche Erfahrung, Verstand, und aufrechte Redlichkeit, damit Unser Rath, und des Ober-Burggrafen-Amtes ob unserm Königlichen Schloß zu Praag Assessor, und des Reichs lieber getreuer Gottfried Ferdinand Buckisch, berühmet worden, und daß Er seine aus beständigem, von Jugend auf in Obliegenden freyen Künsten und Studis angewendeten Fleis und Eifer, besonders in Juridicis, Politicis et Historicis erlangte gute Wissenschaft, je und allezeit, zu unsern und unserer Erb-Königreiche Fürstenthumen und Landen*



den nützlichen Diensten, in unterthänigster Treu angewendet, und solches zu mehrmahlen, förderst aber durch die bey unseres freundlich geliebten Sohnes, des Römischen Königes JOSEPHI I. in unser und des Heil. Reichs Stade Augspurg, vorgewesten Wahl und Crönung, herausgegebene Ritus und Solennia, auch vorhera durch mühsame Colligirung der in unterschiedenen Tomis bestehenden, und uns zu gnedigstem Gefallen gehorsamst eingestellten Schlesi-scher Publicorum, und weütläuffrigen Entwerffung der Pfaltz-Neuburg-Bay-rischen Genealogie, im Werck satzsam dargethan, und sonsten in Officiis pub-licis, mittelst seiner bey dem Fürstenthum Brieg, seithero in das 15. Jahr, so getreu, als fleißig versehenen Regierungs-Secretariats und Rathsstelle, umb uns und unser löbliches Erzhauß Oesterreich, sich mehr und mehr meritire zu machen, alle euserste Kräfte angewendet hat, nicht weniger forthin in unveränderter Treu und Devotion, Zeit Lebens zu verharren, und seine Posteritat zu gleichmäßiger Nachfolge anzumahnen, des unterthänigsten Er-bietens ist, auch wohl thun kan, mag, und soll; So haben Wir &c.

Jam de Scriptis dicendum. Edidit nimirum 1.) Pro-legomena Historiæ Silesiorum Ecclesiasticæ, Nissæ Anno 1685. in 4. in quibus a primis fidei Christianæ in Silesia initiis, ad Lutheri usque tempora, fata status in Silesia Ecclesiastici com-pendio non spernendo, si partium studia excipias, linguaque patria persecutus est. 2.) Genealogiam Electoralem Palati-nam Neoburgico-Bavaricam Anno 1687. folio patente ma-ximo, quatuor schedis constante, quam deinde arctiori tabellæ inclusam, Observationibus in Instrumentum Pacis post pag. 5. inseruit. 3.) Dissertationem de Regis Romanorum tum Electione, tum Coronatione, cui subjungitur Discursus Juridico-Politicus, de Fontibus Juris Publici, quorum neutrum videre licuit. 4.) Observationes Historico-Politicæ in Instrumen-tum Pacis Osnabrugo-Westphalicum, Viennæ Austr. 1696. 4. Sed ultra Art. VII. non productas; de quibus Judicium legas in præfatione supra laudata Dn. de Henniges, & Bibl. Hal. locis citatis,

Maxime autem cur Scriptorem hunc in scenam produxerim, facit initio memoratum Opus, grande certe atqve laboris maximi, vernacula conscriptum, cui constipando non solum Viennæ, uti Autor Meditationum innuere videtur; sed Bregæ etiam a Secretis existentem plurima congestisse, ibidemqve Acta, Instrumenta, & Literas Curiz Regiæ non per transennam introspexisse, credibile est. Cum enim evulgaret Prolegomena, Opus illud non tantum perfectum jam absolutumqve Autor asseruit; sed passim etiam eo in libro ad MSta hæc Acta Lectorem ablegavit. Interim non negandum, multa quoqve post hæc tempora, & Viennæ imprimis fuisse addita, ultimamqve ibi manum impositam. In Prolegomenis Hist. Eccl. nominat: *Schlesische Religions- oder Kirchen-Acta*; in Observationibus ad Instr. Pac. *Acta Publica Silesie*, etiam *MSta publica*. Dabimus vero Typum eorum ex ipsis Prolegomenis. Dicit in Dedicatione Libri, collegisse se VII. Tomos Actorum illorum, ad numerum septem, quæ ipse constituit, fundamentorum (*Grundfesten* vocat) Religionis Evangelicæ in Silesia, quibus singulos Tomos dicaverit, ita ut agatur

Tomo I. de Pace Religiosa.

Tomo II. de Literis Majestaticis.

Tomo III. de Unione Bohemica.

Tomo IV. de Transactione Saxonica.

Tomo V. de Recessu Pragensi secundario.

Tomo VI. de Instrumento Pacis Osnabrugensis.

Tomo VII. de Resolutionibus Cæsareis aliis in causa Religionis.

Quis non videt, Thesaurum hic condi exquisitissimum Actorum Instrumentorumqve omnium in Negotio Religionis à tempo-

temporibus Pacis Religiosæ promulgatorum atque editorum; opusque esse incomparabile, si Acta illa in se respicias, nisi forte verba illorum depravata sint aut mutata. Specimina quædam ex eo videre licet in Observationibus ad Instr. Pacis Art. V. §. 38. Silesiæ etiam Principes. pag. 247. & uberius in Mantissa ad hunc Art. p. 428. ubi Acta comitorum Ratisbonensium Anni 1653. etiam 1654. leguntur, quæ versantur in Declaratione §. Siles. & Princ: utrum nimirum verba illa ad solos ibi denominatos Principes & Urbem Vratislaviensem restringenda sint; an etiam ad eorum subditos & Suburbia extendenda. Itemque in Observationibus ad Art. VII. de Calvinismo in Silesia superiore per Johannem Georgium, Marchionem Brandenburgensem, & in Silesia Carnoviensem Ducem, introducto. Qui, quid distent æra lupinis, non ignorat, ex hisce specimenibus facile subolet, quid sapiant reliqua. Cæterum Volumina hæc Actorum plus vice simplici descripta, in cœnobiorum quorundam Bibliothecis Vratislaviæ latere dicuntur. His supplementum brevi accederet, quod octavum constitueret Tomum, si vera esset fama, quæ Virum magni nominis in elucubrandæ Conventionis Ranstadiensis Historia desudare vulgavit. Sed manum de tabula. Claudimus primum hoc Specimena verbis, quibus Epistolas suas obsignare solebat

Rhonius:

Docti meliora, seqvemur.



Addenda & emendanda:

*Pag. 3. lin. 7. à fine, post: Episcopi, adde: ex quo nummos ceperunt cudere,  
Pag. 5. l. 15. prægustum. l. 4. à fine Seculi XIV. P. 9. l. 6. ceptam. l. 18. hzc.  
l. 23. aliique. P. 11. l. 21. superfedemus. P. 12. l. 5. Cathedrali. l. 21. pro: 8. Febr.  
fac. 8. Januarii, ita ut etiam nondum electus Statuta ediderit. P. 13. l. 2. Conclusiones.  
P. 14. l. 10. Idib. P. 15. l. 13. volenti. P. 16. l. 4. & 5. post: Olsnensem & Magdale-  
næum adde Comma. l. 10. post: Appelia, fac: in Elisabetano Gymnasio rudimenta  
posuit. l. 16. Subjungimus. Reliqua æqvitati Lectoris relinquuntur.*





46. In tract. von Diffusion.

47. Diff. D. Rhodii <sup>Francusci</sup> de Leopelismo ubi quaedam ad Historiam  
Vandalicam <sup>inspersa</sup>

48. Diff. Prof. D. Dailenberg <sup>Francusci</sup> <sup>Metaphisik</sup>: De Jure Perbarn Ducatus  
Oppolensis et Ratisbonensis. 1700.

49. Diff. Vitel. D. Gribneri: de terris Juri Saxoniae.

1/2  
Lucas

12

